



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

Capvt VI.

**urn:nbn:de:hbz:466:1-15617**

& Imperij Lib. VII. Cap. VI. 321

lectione extant canonæ secundæ synodi  
Oecumenicæ, atque item quarta, qua uni-  
cuique Patriarchæ supremum harum causa-  
rum judicium commiserunt. Nihil ergo aliud  
voluit Trullana synodus quam ostendere  
quænam auctoritas Pontifici Romano com-  
petat in suo patriarchatu, cuius limitibus  
circumscribit potestatem ei quæsitam in ca-  
nonibus Sardicensibus, tum etiam ut ostendat  
eam auctoritatem illi tributam esse, non  
à Concilio Nicæno, sed à Sardensi. Ea  
namque est observatio Zonaræ ad canonem  
quintum Sardensem: *Neque igitur hic ca-  
non à Nicæna synodo editus fuit, neque ad ip-  
sum (id est, Romanum Pontificem) provoca-  
tiones ab omnibus Episcopis, sed ab iis tan-  
tummodo qui eidem subiecti erant, dari oportere  
decernit. 8 te 8i tñs cñ Nicæna tñndis 8te ð  
xeris, 8 te natus Ges Cnñlantous 8te ð  
xionoz-  
nas avançnow autò, ðnya 8te xatone, usq; w  
euro.*

*autiorum et restitutus est in sedem suam. De fide age-  
batur. Quare magni ponderis fuit epistola illa Liberty.  
V. Euijches non appellavit ad solum Pontificem  
Romannum. Appellavit enim synodos Romanam,  
Alexandrinam, Hierosolymitanam, & Thessalonian-  
ensem. Appellatio facta ad Patriarchas, censetur  
etiam facta ad eorum synodos. Cardinalis Perronus  
reputatus.*

XII. Verum licet ea Græcis mens esset ut effectus canonum Sardicensium egredi Occidentem non posset, Pontifices tamen Romani contendebant eos obtinere debere in univerfa Ecclesia; ut constat ex epistola Papæ Leonis primi inferius laudata, & ex commonitorio Gelasij Papæ ad Faustum, cuius verba necessariò intelligenda sunt de canonibus Sardicensibus: *Ipsæ sunt canones*, inquit Gelasius, qui *appellationes totius Ecclesie ad hujus sedis examen deferri voluere*, ab ipsa vero nusquam prorsus appellari debere sanxerunt, ac per hoc illam de tota Ecclesia judicare, ipsam ad nullius commcare iudicium; nec de ejus unquam preceperunt iudicio iudicari, sententiämque illius constituerunt non oportere dissolvi, cuius potius de cœta sequenda mandarunt.

C A P V T V I.

### Synopsis.

*I. Concilia orientalia poterant tantum decernere de causis disciplinae, ad procurandam executionem canonum. Casus autem fidei vel regulas generales Ecclesie universae tractare non poterant absque interventione auctoritatis Episcopi Romani.*

*11. Hunc Romani Episcopi primatum agnoscetabant orientales. Nihil in causa fidei aut de regulis generalibus definiti poterat absque ejus sententia. Socrates explicatus.*

*III. Hec explicari debere visum est, ne quis existimet temeritatem fuisse in superioribus capitibus Romani Ponitis auctoritatem. Episcopi orientales, qui Romanam sedem appellaverunt, exigitati fuerant propter causam fidei. Quo casu poterant apostolicam sedem appellare.*

*IV. Eustathius Episcopus Sebastenus depositus ab  
Arrianis, literas à Libero Papa oblinuit, quarum  
Tom. II.*

I. **A**VCTORITAS itaque Concilio-  
rum orientalium his limitibus cir-  
cumscribi debet ut decernere tantum potue-  
rint de administrationibus & gubernationi-  
bus provinciarum , ut loquuntur canones ,  
id est , de controversiis quæ incident in exe-  
cutione canonum de disciplina ecclesiastica  
latorum . Nam quoad causas quæ ad fidem  
spectant aut regulas generales Ecclesiae uni-  
versæ , certum est eas definiri non potuisse  
absque interventu auditoratis Episcopi Ro-  
mani . Quoniam cum cathedra Petri ea sit ex  
qua unitas sacerdotalis exorta est , ut loquitur  
Cyprianus , par erat ut reliqua Ecclesiae ne-  
cessitate communionis unirentur cum Eccle-  
sia Romana , eamque colerent tanquam ca-  
put & centrum unitatis , ut verbis Optati uta-  
mur . Constituto namque capite in Ecclesia ,  
quemadmodum in collegio apostolico fuerat  
constitutum , sublatæ erant occasiones schis-  
matum & hærescon , ut observavit Hieronymus :  
quoniam ea ratione constitutus erat  
thronus qui radix & origo erat communio-  
nis omnium Episcoporum Ecclesiae Dei ; unde  
*in omnes venerande communionis jura diman-  
tant* , ut aiebat Concilium Aquileiense gene-  
rale sub Ambrosio . Huic enim sedi omnes  
Christiani adhærebat inter factiores & dis-  
fidia aliarum Ecclesiarum , exemplo Hiero-  
nymi , qui in trium Patriarcharum schisina-  
te , quo Antiochena Ecclesia laborabat , ad  
Damascum scribens , ait : *Beatitudini tue , id  
est , cathedre Petri , communione consocior.*  
Hunc Romani Pontificis primatum agnoscen-  
t orientales ; ut constat ex epistola syn-  
odica Concilij Chalcedonensis ad Leonem  
Panam . in qua cum disertis verbis vocantur

*S* Vide sacerd lib. vi  
c. 2.

Vide supra lib. 5,  
cap. 10. §. 2. in  
mitting.

Vide super lib. 5.  
cap. 12. §. 1. &c in  
Additione.

51

terveniat aut per se aut per Legatos. Huic legi magis obnoxiae erant definitiones in materia fidei. Oritus itaque nullam unquam hæresim damnavit quin statim decretum ad apostolicam sedem missum sit & in reliquas provincias. Sic damnationes in synodis occidentalibus decretæ ad synodos Orientis mittebantur, ut adnotat sanctus Hilarius; ea videlicet mente, ut causa communis, cuiusmodi erat materia fidei, tractarentur ex communi omnium consensu. Sed magnificum erat pro Romana sede quod cùm ipsa prima esset, ubi florebat principatus apostolicæ sedis, ut cum Augustino loqueretur, ejus auctoritas juncta synodis occidentalis magni momenti erat ad commendandam damnationem haereticorum & anathemata adversus eos decreta, quæ faciliter ob hoc ipsum executioni mandabantur, cuius moris clara documenta extant in actis Conciliorum Ephesini & Chalcedonensis aliorumque posteriorum.

III. Necessarium autem visum est hæc per transennam adnotare, ut si qua forte suspicio in quorundam animis suborta esset adversus ea quæ superius dicta sunt, quasi illa convellerent reverentiam quæ sedi apostolicæ debetur, iis scrupulus omnis eximatur; tum etiam ut hinc occasionem peteremus heic agendi de quorundam orientalium Episcoporum in synodis suis depositorum appellationibus ad sedem Romanam. Constat enim Episcopis illis irrogatas esse injurias ob causam fidei. Quoniam vero conservatio veræ religionis adversus hæreses præcipue spectabat ad sedem apostolicam urbis Romæ, hinc factum ut quoties Episcopi illi literas Episcopi Romani in Orientem deferrent, in quibus continerent eos in communionem fuisse receptos, sedibus suis restituerentur ab Episcopis catholicis, cuius rei extant exempla valde illustria. Non loquor de Athanasio aliisque Orientis Episcopis, quorum supraditionem feci, quoniam cœla eorum examinata fuit tanquam ad disciplinam pertinet, tametsi fatendum est habitam quoque fuisse ab occidentalibus rationem oppressio quæ Episcopi illi patiebantur ob causam fidei. De Eustathio Sebasteno Episcopo loco, Flaviano, & Theodoreto.

IV. Sebastenus ille depositus fuit ab Arrianis in Concilio Melitino, quæ civitas est Armeniæ inferioris. Dein catholici Orientis Episcopi Lampacum convenerunt anno ccclxv. ibique synodum celebrarunt, cui Eustathius interfuit. Quin etiam cum nonnullis Episcopis in Occidentem missus est cum formulis fidei quæ decretæ erant pro restituzione veræ fidei adversus perturbationes

nem quam Constantij Imperatoris auctoritas invexerat. Receptus itaque est in communionem ab Episcopo Romano & occidentalibus, literaque à Libero Pontifice obtinuit, quarum auctoritate restitueretur in se dem suam. Cū autem Cappadociam remeaster, literas illas obtulit synodo Diocesis Ponticae, quæ apud Tyanam habebatur, ad quam synodum pertinebat provincia Armenia secunda, à qua synodo redditus est Ecclesiæ Sebastenæ. Restitutionem illam auctoritate literarum Episcopi Romani factam fuisse testatur sanctus Basilius in epistola lxxiv. quæ data est ad Episcopos occidentales. Certum quidem est Eustathij depositionem irritam & nullam fuisse, eo quod ab haereticis facta esset, tum etiam ita sensisse synodum Lampacenam, quæ, sperto iudicio illo, Eustathium in suam communionem recepit, & synodo interesse consenserit, ac præterea in Occidentem miserat legatione functionum pro synodo Lampacena. Quia tamen suspicio adversus eum orta erat in causa fidei, magni ponderis ad confirmandam executionem rerum decretarum fuit epistola illa Liberij & iustio ejus pro restituendo Eustathio data post iudicium synodorum Orientis & Occidentis. Ob hoc igitur synodus Tyanensis, cuius iudicio suberat Eustathius in causa disciplinæ, cum insuperhabitis suspicionibus de fide recepit in vim decreti pontificij, tametsi ignoraret quibus conditionibus eum Liberius receperisset in suam communionem. Hæc sunt verba Basili ex eadem epistola lxxiv. Quæ vero sunt illi à beatissimo Episcopo Liberio proposita, & ad quæ consenserit, nobis clam est: nisi quod epistolam attulit, per quam refutatur. Eam ubi Tyanensi synodo exhibuit, in suum locum restitutus est.

V. Locum inter appellationes ad Episcopum Romanum non tribuo ei quæ sub nomine Eutychetis Archimandrita circumfertur post damnationem ejus à Flaviano Episcopo Constantinopolitano peractam; tametsi ea vulgo obtrudatur, quoties controversie de causis religionis agitantur. Nolim tamen negare quin Pontificem Romanum appellaverit, sed tamen contendeo non ad solum Romanum Pontificem provocasse. Exemplum hoc variis in locis Replicæ sue laudat illustrissimus Cardinalis Perronus, & appellationem illam Eutychetis probare se putat auctoritate epistole sancti Leonis ad Flavianum. At enim Leo se libellum Eutychetis receperisse, in quo continebatur eum evocatum sui presentiam non denegasse, adeo ut in ipso iudicio libellum appellationis se afferat obtulisse, nec tamen fuisse suscepit; quæ ratione compulsus fit ut confessarios libellos in urbe Constantinopolitana

*proponeret.* Verum quia appellatio illa non dicitur facta esse ad apostolicam sedem, ut probationem impleat Perronius, addit au-  
toritatem Flaviani Leoni respondentis, cuius haec sunt verba: *Quia idem Eutyches li-  
bellos direxit vobis plenos omni fallacia & cali-  
ditate, dicens judicij tempore libellos se dedisse  
appellationis nobis & hic convenienter sancto Con-  
cilio, & appellasse vestram sanctitatem. quod ne-  
ququam factum est. Sed ex verbis illis colligi  
non potest appellatas non fuisse reliquas se-  
des. Sanè dissimulanda non est veritas. Ap-*

*Vide lib. 4. cap. 1.  
f. 2.*

*pellavit enim Eutyches synodos Romanam, Alexandrinam, Hierosolymitanam, & Thessalonicensem, sed clanculum, & in au-  
rem Patricij Florentij, post judicium fa-  
ctum, & post solutam synodus. Vnde col-  
liguntur duas egregiae regulæ. Prima, cau-  
sam fidei, cum communis sit & generalis,  
judicandam esse à synodis Ecclesiarum univer-  
sa, præcipue verò à Romana, quæ omnium  
prima est, tum depositionem hæretici, qua-  
sequitur ex decisione fidei, definitivo de-  
creto judicandam esse ab omnibus, si nova  
sit hæresis, neque haec tenus damnata fue-  
rit ab Ecclesia. Secunda verò regula haec  
est, appellations factas ad Patriarchas,  
censi etiam factas ad eorum synodos; ut  
constat ex formula appellationis Eutychie-  
tis. Non appellavit autem ad synodos Ori-  
entis, quod Patriarcha Antiochenus subscri-  
psisset sententia Flaviani, & quod plures  
Metropolitanii Dioceseon Asiana, Ponti-  
ca, & Thracica ad essent in Concilio Con-  
stantinopolitano. Ea verò quæ huc usque  
dicta sunt de appellatione Eutychetis, de-  
sumpta sunt ex actis Concilij Constantino-  
politani habitu iussu Imperatoris Theodosij  
post damnationem Eutychetis ad convi-  
nendas falsitates quas hæreticus ille con-  
tendebat admissas esse in actis superioris  
Concilij. Inter ceteras querelas, Constanti-  
nus monachus, Eutychetis procurator, di-  
xit eum, cum sententia depositionis lege-  
retur, provocasse ad synodos Romanam,  
Alexandrinam, Hierosolymitanam, &  
Thessalonicensem, verum ejus appellatio-  
nem actis non esse insertam. Hæc sunt enim  
Constantini verba in actis hujus secundi  
Concilij Constantinopolitani, quæ referun-  
tur in actione prima Concilij Chalcedonen-  
sis: *αἰνιγματούμενος δὲ καθηρίσας ἐπεκλέσα-  
ται ἀγάλα συνόδου τοῦ ἀγιοτάτου Κηπούπου Ρώμης,  
Ἐ Αλεξανδρείας, καὶ Ιερουσαλύμων, Ἐ Θεοφαλούντου.* Tum verò Patricius Florentius dixit Eu-  
tychetem, post solutam synodus, sibi in  
aurem dixisse provocare se ad synodus Ro-  
manam, Aegyptiacam, & Hierosolymita-  
nam, déque ea provocatione commonefa-*

Tom. II.

etum à se esse Flavianum. Nullam synodi  
Thessalonicensis mentionem facit, quod  
ea Diocesalis subesset tum temporis patriar-  
chatui Occidentis. Hæc sunt verba Floren-  
tij in eisdem actis: *Διαλέχθησθε τὸν Πατέρα, εἰ-  
τε πρότερον τοι, θηταλεύθερος τοῦ Πάπιου, ἐπὶ τῷ  
Αγίῳ Πάπιῳ, εἰ τοῦ Ιεροσολύμων συνέδον.*

### CAPUT VII.

#### Synopsis.

I. *Flavianus Episcopus Constantinopolitanus depo-  
sus in synodo Ephesina sub Diocesoro. Cum Dioces-  
orus sententiam promeret, recusatus est a Faviano.  
Notata Perronij hallucinatio, qui tunc appellatum  
à Diocesoro fuisse putat conceptus verbis. Recusatio fie-  
bat per modum appellationis, etiam post sententiam  
definitivam. Appellavit deinde. O quidem ad so-  
lum Pontificem Romanum. Ceteri enim Patriarchæ  
aderant in Concilio.*

II. *Flavianus appellavit ad Summum Pontifi-  
cem, libello contestatorio oblato Legatis ejus. Valen-  
tianus Imp. ait causam de integrō judicandam esse à  
Summo Pontifice, quod de causa fidei ageretur, &  
quod Flavianus ad eum provocasset secundum solen-  
nitatem Conciliorum.*

III. *Censet tamen idem Valentianus eam cau-  
sam in synodo Oecumenica judicandam esse à Summo  
Pontifice, adhibitis suffragiis Episcoporum ex uni-  
verso orbe.*

IV. *Hanc aliter sensit ipse Leo, ac Romana sy-  
nodus. Sed tamen intra Italiam convocari Concilium  
postulavit à Theodosio.*

V. *Causa enim Flavianiconnexa erat questioni fi-  
dei, ut docet idem Leo. Et Valentianus ait Flavia-  
ni depositionem processisse ex questione fidei. Videbat  
enim non eliter revisione consensuros orientales quam si  
fidei negotium retrahendum esse diceretur.*

VI. *Hoc etiam intellexit Leo. Itaque canones Sar-  
dicenses laudavit, sub titulo tamen synodi Nicene.  
Emendatus canon quartus Sardicensis, qui gravi men-  
dolaborat.*

VII. *Quid significet Valentianus, cum ait  
Flavianum appellasse Pontificem Romanum secun-  
dum solemnitatem Conciliorum. R. g. e. t. a. C. ar-  
dinialis Perronij conjectura. Indicat eum appellasse per libel-  
lum, non autem viva voce, aut in aurem, ut Euty-  
cheti contigerat.*

I. **V**ENIENDUM nunc ad appella-  
tiones Flaviani & Theodoreti,  
quæ magni momenti sunt. Damnatus ob  
novam hæresim Eutyches à Flaviano, im-  
petravit ab Imperatore Theodosio ut Con-  
cilium generale apud Ephesum haberetur,  
cui Diocesorus Episcopus Alexandrinus præ-  
sideret. In eo autem minis actum est apud  
Episcopos, ut se accommodare cogerentur  
ad desiderium Diocesori. Itaque Euty-  
chete restituto, Flavianus depositus est in  
hac synodo: quæ vulgo secunda Ephesina  
dicitur, interdum verò synodus Ephesina  
sub Diocesoro, aliquando prædatoria syno-

S. ij